

新義錄

姓名

第貳冊



90579

新義錄卷六十八目錄

姓名類一

天地人三皇姓名之謬

堯舜禹皆名

舜不姓媯

丹朱商均非二名

八元八愷名在尙書

二十二入當作三十二人

皋陶庭堅是二人

新義錄

卷六十八

目錄

柏翳伯益爲一人

四岳非一人

巢許爲一人

夏禹之名不一

關龍逢不姓關

太公之名不一

散宜生非姓散

虞仲非仲雍

夷逸朱張非人名



趙衰不名衰

孟獻子五友樂正裘牧仲外尚有二人姓名可考

孔子初不名丘之謬

孔子非字仲尼之謬

孔顏孟三姓不皆爲三聖後

漆雕開不名開

子產稱國僑之誤

子產有諡

史魚之史爲氏而非官名

新義錄

卷六十八

目錄

公叔文子爲公孫枝之誤

擊磬襄非孔子所從學琴之師襄

接輿非楚狂姓名

吾黨直躬是人名

孫武非媯姓之後

孫臏非孫武之孫

段干木不姓段

王良卽伯樂

公輸魯般是二人

孟子父名有二

孟子之字不一

孟子不當與曾子同字

墨翟不姓墨

白圭有二人

左師謚名一分一合

鬼谷子姓名不一

虞卿無名荆軻無姓

孫臏非名黥布非姓

新義錄

卷六十八

目錄

漢高帝之祖稱豐公

太上皇昭靈夫人姓名之偽

四皓姓名不一

四皓姓名之偽

伏生名勝之疑

揚雄有姓楊之說

關侯祖考之名未敢信

祖述字士雅之誤

干寶不姓于方于不名干

苻堅與苻融姓不同

鮑昭本名照

與昭明太子同集文選十人姓名

李杜皆可稱拾遺

杜甫諡文貞

八仙歌中焦遂可考

馬周李泌無諡

宋璟無字

盤谷李愿非西平王之子

新義錄

卷六十八

目錄

温庭筠之訛

南唐君臣姓名之誤

老泉非蘇洵號

東坡之號不一

岳武穆定諡忠武

考亭不宜稱朱子

朱子小字沈郎之誤

金元人姓名之誤

元不姓奇渥温

余忠宣公非姓余

余忠宣有諡文忠文貞之說

孫傳庭之說

箕子名胥餘之誤

以下補

飲中八仙有二說

申包胥卽勞冒勃蘇之說不一

禰衡之禰不宜在蕭韻

炎帝與神農非一人

米元章不名芾

新義錄

卷六八

目錄

五

孔子諱宜改讀期音

匡人伯氏名

况鍾有姓黃名鐘之說

左邱明姓左邱之誤

許由父名耳

鬪穀於菟作穀之誤

浩生不害非告子

孟施舍之施非助辭

溫八又又有八吟之號

溫公字公實荆公字介卿

老蘇無諡

朱子別號

黃子久姓名之異

吳梅村王漁洋別號

新義錄

卷之八

目錄

六

新義錄卷六十八

安徽太平縣孫壁文玉塘甫

一字玉堂

姓名類一

天地人三皇姓名之謬



洞神部載天皇氏姓望名獲字子澗地皇氏姓岳名銓字子元人皇氏姓愷名洸字文生夫皇古之初安有姓氏哉陳士元名疑指駁其謬誠為有識

堯舜禹皆名

日知錄曰堯舜禹皆名也古未有號故帝王皆以名紀

新義錄

卷六十八

姓名

一

臨文不諱也

胡文定脩春秋劄子臣聞古者不以名為諱堯典稱有齔在下曰虞舜則堯舜者固

二帝之名而堯典乃虞氏史官攷之尚書帝曰格汝舜所作直載其君之名而不避也

格汝禹名其臣也堯崩之後舜與其臣言則曰帝禹崩

之後五子之歌則曰皇祖胤征則曰先王無言堯舜禹

者路史發揮亦謂方舜未嗣每書以舜蓋未始一稱帝逮其既立則惟書帝而弗復書舜不敢名

其君也按尚書二典大禹謨曰放勳曰重華曰文命及孟子放勳曰句則放勳重華文命亦為堯舜禹

之名路史謂堯舜禹之為名其受命於尊者而放勳重華文命則其號謂之各人之所以名之也書古微亦以

堯舜禹為名而以放勳重華文命為微號蓋受命後所稱如後世之年號也

舜不姓媯

困學紀聞曰舜居媯汭其後因姓媯氏左傳正義云世本舜姓姚氏虞思猶姓姚也至胡公周乃賜姓爲媯謂胡公以前已姓媯者妄也

丹朱商均非二名

陸祁孫曰前古無二名公羊所云譏二名者是也太平御覽引逸書堯子丹朱不肖舜使居丹淵爲諸侯又三統歷唐帝讓天下於虞使子朱處於丹淵爲諸侯是堯之子名朱以封於丹曰丹朱堯典允子朱啓明未封也皋陶謨毋若丹朱傲則已封矣以此推之商均云者亦

新義錄

卷六十八

姓名

二

繫以邑非二名矣

八元八愷名在尙書

陔餘叢考曰左傳八愷蒼舒隕斃檮戴大臨厖降庭堅仲容叔達也八元伯奮仲堪叔獻季仲伯虎仲熊叔豹

季狸也班書古今人物表既列此十六人十六人內無庭堅有咎繇

伯俱作柏季而又有別有高卽垂朱斯卽文柏譽卽伯柏

益卽伯及龍夔則左傳之元愷非尙書所命之九官也

孔安國作尙書傳乃始以朱虎熊羆及夔斯伯與四人爲在元愷之中以尙書朱虎熊羆與左傳伯虎仲熊之

名相合也杜預註左傳則又以八愷爲卽垂益禹皋陶之倫蓋以左傳八愷主后土而禹益實平水土且皆高陽氏之後又皋陶字庭堅也以八元爲卽稷契朱虎熊羆之倫亦以左傳八元主敷教而契實司之契與稷又皆高辛氏之子且虎熊名與左傳合故也然終未確指元愷內之某人且尙書所命九官及所讓之及斫伯與朱虎熊羆人數較少不及十六人故古來未有卽以此作八元八愷全數者吳仁傑乃分及斫爲二人伯與一人又分朱虎熊羆爲四人合之禹益稷契皋陶垂伯夷

新義錄

卷六十八

姓名

三

夔龍九人共成十六之數似爲巧合且杜預註渾敦爲驩兜窮奇爲共工禱杻爲鯀養養爲三苗則左傳四凶卽尙書四罪宜乎元愷十六人卽尙書分命之眾官全在內矣然孔傳以及斫爲一人漢表作及斫亦以爲一人未嘗分及斫爲二人孔傳以朱虎爲一人熊羆爲一人亦未分朱虎熊羆爲四人也吳氏一一析之以合十六人之數究屬臆說况孔穎達正義謂安國以伯虎熊羆在元愷內者以虎熊名字相合故耳皋陶卽庭堅而益是皋陶之子皆當在八愷內垂則不可知伯夷姜姓

必不在元愷之數等語可知古人闕疑之慎而吳氏必
牽合以充其數且以蒼舒爲禹字伯奮爲契字未免必
求其人以實之則鑿矣蔡九峯註舜典亦以及折伯與
爲三人朱虎熊羆爲四人亦本
吳斗南說然未
確指爲元愷

二十二入當作三十二人

經義述聞曰馬融云稷契皋陶皆居官久有成功但述
而美之無所復救禹及垂以下皆初命凡六人與上十
二牧四岳凡二十二入見史記五
帝紀集解鄭康成以爲二十二
人數及折伯與朱虎熊羆不數四岳見本篇
正義余按馬不

新義錄

卷之八

姓名

四

數稷契皋陶豈有稷契皋陶不在亮工之列者乎鄭不
數四岳豈有救牧而遺岳者乎今校二十有二人上二
字當作三傳寫者脫去一畫耳三十二人者四岳爲四
人十二牧爲十二人禹稷契皋陶垂益伯夷夔龍爲九
人及折伯與爲三人朱虎熊羆爲四人鄭以及折爲一
人朱虎熊羆爲
二人失之吳仁傑曰及折爲二人伯與爲一人故加暨
字以別之如讓于稷契暨皋陶也朱虎熊羆爲四人故
連文稱之如
讓于夔龍也合計之則三十二人也

皋陶庭堅是二人

陸彖左傳附註曰文五年傳楚滅六蓼臧文仲歎皋陶

庭堅不祀十八年傳註庭堅卽皋陶字孔疏謂本於鄭康成論語註今不知鄭得之何書馬永卿曰若庭堅卽皋陶則文仲不應連言之似是兩人羅泌曰六皋陶之後而蓼則庭堅之後杜註誤矣今按焦氏易林云龙降庭堅爲陶叔後封於蓼六福履綬厚然則庭堅者乃皋陶之子若孫耳先漢去古未遠焦氏所傳宜得其真蓋二國皆皋陶後而庭堅則或以支子別封自爲其國之祖故文仲得並舉之也

按庭堅爲高陽才子不得爲皋陶之子舜臣堯時已舉入元亦

不得爲皋陶之孫且果爲皋陶之子孫文仲但言皋陶可也何必復及庭堅易林之誤陸氏反以爲得真殊爲

新義錄

卷六八

姓名

五

失考要之馬氏以皋陶庭堅爲兩人確乎不易

柏翳伯益爲一人

參看父母類一伯益爲皋陶之子

趙甌北日史記伯益佐禹而秦本紀秦之先大業娶女華生大費大費佐禹平水土輔舜馴鳥獸舜妻以姚之玉女是曰柏翳而不言伯益是以後人皆以柏翳伯益爲二人然使佐大禹平水土者另有柏翳一人則尙書載之當與稷契皋陶同列乃尙書所載有伯益無柏翳而伯益作虞其職在若上下草木鳥獸與史記所云馴鳥獸者適相脗合則史記平水土馴鳥獸之柏翳卽尙

書若上下草木鳥獸之伯益無疑惟史記之大費不見於尚書胡應麟據汲冢書有費侯伯益之語則大費乃伯益之封國史記既云大費卽柏翳而伯益實封於費可見柏翳卽伯益也又核國語嬴柏翳之後也韋昭註卽伯益也漢書地理志又曰秦之先爲伯益佐禹治水爲舜虞官則柏翳伯益之爲一人尤明白可証蓋翳與益聲相近之訛也

路史以柏翳伯益爲二人請翳乃少昊後皋陶之子益乃高陽之第三子

價改金仁山則云柏翳卽伯益秦聲以入爲去故謂益爲翳也若以柏翳爲皋陶之子則楚人滅六蓼之時秦方盛於西藏文仲安得云皋陶庭堅不祀忽諸乎又以益爲皋陶之子則夏啟時應二百餘歲禹又何從薦之

新義纂

卷六十八

姓名

六

是仁山亦以翳益爲一人也

四岳非一人

經義述聞曰孔平仲以四岳爲一人通爲二十二人之數蔡傳因之謂其總四岳諸侯之事也後儒亦謂堯欲禪位於四岳而四岳曰否德忝帝位則四岳只是一人以堯之禪位不應讓於四人又引漢書三公一人爲三老次卿一人爲五更註云五更知五行者安知四岳非知五行者乎又謂書有百揆以四岳爲四人則百揆亦須百人矣余按左氏傳曰姜太岳之後也又曰許太岳

之後也杜註太岳神農之後堯四岳也周語王子晉曰
共之從孫四岳佐禹胙國命爲侯伯賜姓姜氏曰有呂
一王四伯皆亡王之後韋昭註四伯四岳也爲四岳伯
故稱四伯此以四岳爲四人之確證且卽經文攷之帝
曰咨四岳湯湯洪水方割蕩蕩懷山襄陵浩浩滔天下
民其咨有能俾乂僉曰於鯀哉舜曰咨四岳有能奮庸
熙帝之載使宅百揆亮采惠疇僉曰伯禹作司空帝曰
咨四岳有能典朕三禮僉曰伯夷僉者眾共之辭是四
岳同辭而對也如謂四岳爲一人則何以有僉曰之文
經又云乃日覲四岳羣牧班瑞於羣后四岳四人羣牧
十二人故逐日遞見之若以四岳爲一人則羣牧亦可
謂之一人乎至堯欲讓天下於四岳蓋以丹朱嚚訟爲
不可以受天下因而欲使四岳自相推舉一人以授帝
位也然則四岳爲四人無疑矣按鄭注四岳四時之官
卽義和四子所分掌也

巢許爲一人

漢書古今人表許由巢父爲二人譙周古史考許由夏
常居巢故一號巢父然則巢許爲一人矣

夏禹之名不一

新義錄

卷六八

姓名

七

代醉編曰史記禹名文命孔安國曰名禹張晏曰字禹
世本曰鯀娶有辛氏女謂之曰女志是生高密則高密
又爲禹之名矣宋忠曰高密禹所封國世紀曰鯀妻修
己吞神珠意苴而生禹名文命字密藝苑卮言又云成
湯字高密見帝王世紀未知孰是

關龍逢不姓關

關龍覆姓見姓氏書黃生義府引潛夫論證關龍卽豢
龍關龍逢夏桀臣蓋劉累之後也逢亦从夆在江韻不

从夆世以關氏多忠義壯繆之前有龍逢者誤也惟竹
書紀年有鄭殺其大夫關其思事攷韓非子載鄭

新義錄

卷本八

姓名

八

武公欲伐胡先以女妻胡君大夫關其思言
胡當伐武公殺之此則關姓以忠義著者矣

太公之名不一

兩般秋雨盦隨筆曰孟子若太公望是太公名望也史

記齊世家呂尙者東海上人其先祖嘗爲四岳位禹平

水土有功封於呂尙其苗裔本姓姜氏從其封姓故曰

呂尙是又名尙也索隱引譙周曰姓姜名牙炎帝之裔

伯東之後是又名牙也路史炎帝紀云呂渭字子牙是

又名渭也太平御覽鱗介部七引符子曰太公涓釣於

隱溪是又名涓也一人五名將何適從以臆斷之望是

其名子牙是其字尙是其官名所謂師尙父是渭則以
得太公於渭陽因以名渭傳會渭則又渭字之訛也說
苑載文王曰吾太公望子久矣故號之曰
太公望是望爲號其名當從史記作尙也

散宜生非散氏

考古圖載周散季敦文曰惟王三年蓋武王也武王
時散氏惟宜生季疑其季據此則孔傳非無本矣

四書摭餘說曰大戴禮帝繫篇堯娶於散宜氏之女謂
之女皇漢書古今人表女皇堯妃散宜氏女則當以散
宜爲氏而集註散氏宜生名蓋本書孔傳曰散曰散宜
皆氏也正義引馬融論語予有亂臣十人註作散姓誤

虞仲非仲雍

新義錄

卷六十八

姓名

九

羣經識小曰以虞仲爲仲雍自班志始然泰伯虞仲之
讓與夷齊同夷齊並列不當獨遺泰伯仲雍在夷齊前
百餘年不當顛倒次序仲雍爲吳之君不當稱之爲民
亦不得爲逸旣君吳國不得謂之隱居獨善斷髮文身
不過其土俗亦無放言自廢之事疑別有一虞仲而今
不可考如夷逸朱張之比耳核左僖五年宮之奇曰太
伯虞仲太王之昭也似虞
仲又是仲雍讀書記謂論語左傳所稱虞仲並是吳仲
之誤古吳虞二字多通用吳越春秋稱太伯曰其當有
封者吳仲也則仲雍
之稱吳仲固有徵矣

夷逸朱張非人名

拜經日記曰嘗疑逸民章聖人發論何但舉伯夷叔齊
虞仲夷逸柳下惠少連六人而不及朱張攷宋翔鳳論
語鄭註說曰文選劉越石答盧湛書自頃轉張註轉張
驚懼之貌也揚雄國三老箴云負乘覆餗姦先侏張蚡
與侏古字通此鄭本爲侏張知非人姓名矣故鄭註作
者七人獨不舉夷逸朱張郝氏敬曰朱張朱當作講書
講張爲幻卽陽狂也曰逸民曰夷逸曰朱張三者別其
目夷齊仲惠連五者舉其人也此說當得鄭義余核論
語釋文云朱張並如字眾家亦爲人姓名王弼註朱張

新義錄

卷六十八

姓名

十

字子弓荀卿以比孔子

翁鳳西謂序六人而獨闕朱張者明取舍與孔子合也 鄭

作侏張云音陟留反是讀朱張爲侏張不以爲人姓名
也爾雅釋訓侏張誑也郭註云書曰無或侏張爲幻侏

講同字侏則聲近假借也皇侃義疏作者七人下引鄭
康成曰伯夷叔齊虞仲辟世者柳下惠少連辟色者不

及朱張夷逸蓋逸民二人伯夷叔齊也夷逸一人虞仲

也集註考證曰虞仲屬逸於夷故曰虞仲夷逸連上文以四字爲句論語詳解曰權以通變故爲夷逸行與

夷齊侏也皆不以夷逸爲人名漢書地理志註曰夷逸竄於蠻夷而遁逃直以夷逸爲虞仲矣 侏張陽

狂者二人柳下惠少連也故聖人先論伯夷叔齊次論

柳下惠少連後人謂虞仲夷逸隱居放言言夷齊讓國
隱逸首陽謂之逸民虞仲箕逸鬻夷故曰夷逸不舉素
伯者三讓天下至德不可以逸論也

集註考證曰朱張
恐卽周章其說亦

趙衰不名衰

春草堂隨筆謂趙衰乃衰字之訛故字子餘衰多也易
謙卦君子以裒多益寡是也按春秋名字解詁引說文
云衰減也衰與衰通物減少則但存其餘矣玉篇廣韻
並云餘殘也是減少之義也或曰餘者饒也多也名衰

新義錄

卷六十八

姓名

十一

字餘以多少相反爲義隨筆妄改人名殊爲失考

孟獻子五友樂正裘牧仲外尙有二人姓名可考

孟子謂孟獻子有友五人曰樂正裘牧仲而忘其三晉
語趙簡子謂獻子有鬪臣五人與孟子同然亦不詳其
姓氏且鬪臣與挾貴之旨不合獻子蓋友之非臣之也

今攷漢劉向新序云孟獻子聘於晉宣子曰子之家富
獻子曰吾家甚貧惟有二士曰顏回茲無靈者使吾邦
家安平百姓和協惟此二者耳吾盡於此矣據此則合
樂正裘牧仲已有四人說者謂獻子卒於襄十九年安

得逮見顏子不知同時魯有兩曾參安見異時不有兩顏回晉書載有羌帥顏回者亦與顏子同姓名則獻子之顏回固非孔門之顏回矣惟孟子所忘之三人而謂漢時劉向知其二其說亦謬竊嘗論之晉語鬪臣五人蓋武士臣於獻子者也孟子所謂五人蓋賢士獻子所友者也新序二士不在五友之列蓋亦賢士獻子之家臣也屬子固多士哉

孔子初不名丘之謬

癸辛雜識稱陳紹初名詔滔祐中游上庠欲改名或言

新義錄

卷六十八

姓名

三

增損邊傍可也昔先聖本名兵已乃去下八字遂易今名登第先聖名兵不見他書可謂異聞矣愚謂此怪誕之言何足爲據

喬鶴齊曰此古長字非兵戈之兵其字下從几不從八然以爲聖諱殊謬

孔子不字仲尼之謬

邱光庭謂仲尼字當作丘古夷字耳尙書古文隔丘

昌尼萊尼並作丘禮記哀公誅孔子曰嗚呼哀哉尼父

父音甫晉王衍字夷甫是用今文耳按史記孔子生而

汗頂象尼邱山故名邱字仲尼卽左傳申繻所謂以類

命爲象是也劉瓛以爲仲者中也尼者和也言孔子有

中和之德故曰仲尼已嫌穿鑿至尼作巨爲夷雖非杜撰然以釋孔子之字未免附會

孔顏孟三姓不皆爲三聖後

日知錄曰今之顏氏皆云克國之裔考仲尼弟子列傳有顏幸顏高顏祖顏之僕顏噲顏何而孔子於衛主顏讎由此六人與讎由皆無後乎今之孔氏皆云夫子之裔春秋齊有孔虺衛有孔達陳有孔甯鄭有孔叔孔張此五族者皆無後乎且夫子出於宋爲子姓襄公而鄭之後姬姓陳媯姓衛姑姓原註哀十一年孔姑可合而爲一乎原註史記貨殖

新義錄

卷之六

姓名

三

傳宛孔氏之先梁人也用鐵冶爲業秦伐魏遷孔氏南陽平準書孔僅南陽大冶春秋時以孟爲字者甚多今之孟氏皆祖子輿前代亦未之有也魏書孟表濟北蛇邱人自云本屬北地號索里諸孟

漆雕開不名開

四書釋地曰讀漢藝文志孔子弟子漆雕啓則知史列傳漆雕開字子開上開本啓字避景帝諱也一部論語叙事及門人無直稱其名者惟問於有若對君之辭憲問恥疑憲所記南宮适或曰日本名緇陳亢前後皆稱子禽茲獨曰子使漆雕開仕則開爲其字復何疑蓋自安

國註論語開名流俗本家語開字子若者失之

子產稱國僑之誤

困學紀聞曰古者孫以工父字爲氏子產子國之子國

語謂公孫成子左傳謂公孫僑原註子產之子始爲國氏胡致堂作

子產傳曰國僑非也閻註子產之子左傳謂之國參集證云唐以前皆稱子產爲國僑翁

註昭四年子產作邱賦渾罕曰國氏其先亡乎蓋傳家追言之耳

子產有諡

四書正疑曰子產之諡傳記無考惟晉語鄭簡公使公

孫成子來聘韋昭註云成子子產諡也可以爲証又魯

新義錄

卷六八

姓名

西

有少正官名鄭亦有之子產嘗爲此官楊升庵云東里

蓋因其所居爲氏如東門襄仲北宮文子者或傳記闕

載耳

史魚之史爲氏而非官名

閻百詩曰哀九年晉有史趙史墨史龜史皆官名非氏

也襄二十九年衛有史狗史鱣並史朝之子史爲氏非

如集註云官名余嘗愛仲尼論史鱣曰直能曲於人猶

吳公子札論樂曰曲而有直體併妙

公叔文子爲公孫枝之誤

四書摛餘說曰論語集註公叔文子衛大夫公孫枝也此襲集解引孔安國註而致誤者禮註鄭康成曰文子衛獻公之孫名拔或作發按世本衛獻公生成子當當生文子拔左傳作公孫發拔字音之似註作公孫枝又拔字之訛也秦大夫有公孫枝左氏稱子桑之忠者子桑卽枝字春秋衛大夫並無此名

按王伯厚謂集註作公孫枝蓋傳寫之誤閻百詩謂明代毛氏所刊十三經中并孔註反改爲枝然則孔註本不誤集註亦非沿孔註之誤錢氏養新錄曰予嘗見倪行集註非朱子之舊伯厚所見亦是誤本

擊磬襄非孔子所從學琴之師襄

閻百詩曰孔子在衛年五十九時學鼓琴師襄子世家一則曰師襄子再則曰師襄子三則曰師襄子與論語曰襄者自別一人且論語之襄乃魯伶官日以擊磬爲職守當未入海前豈容抽身以至於衛俾孔子從之學乎註本家語云襄卽孔子所從學琴者誤

師襄字子京見韓詩外傳

新義錄

卷之八

姓名

五

接輿非楚狂姓名

顧麟士謂接輿必是不知姓名因其迎車而歌名之以紀其人王草堂亦謂論語祇云楚狂其名氏原不必傳自莊子以接輿爲名又稱爲狂接輿演其歌辭至二十八句多不用韻此何足信雖楚辭涉江篇亦有接輿髡首之語國策范雎說秦昭王有箕子接輿漆身而爲厲被髮而爲狂之語要皆承莊子之誤不足信也至皇甫謐高士傳又謂接輿姓陸名通抑知自齊宣王封少子季達於平陸其後始以陸爲氏當接輿時無陸姓也

新義錄

卷六八

姓名

夫

吾黨直躬是人名

論語吾黨有直躬者韓詩外傳以爲姓石名奢呂氏春秋竟以直躬作人名謂其人名躬以其爲人之直也而遂謂之直躬如莊子狂接輿後世顛旭之類何義門曰呂氏春秋謂楚有直躬者屬者字於下未始以爲人姓名也又鄭氏論語註直躬作弓云直人名弓豈亦仍呂氏之說耶說本柳南隨筆余按數說未免附會不如集註直身而行較爲平允

孫武非媯姓之後

史記稱孫武爲齊人未詳所自吳越春秋以爲吳人因仕於吳遂以爲吳人也被廣韻載孫氏周文王子康叔

封於衛至武公子惠孫會耳一云惠孫生耳爲衛上卿因氏焉

後有孫武孫臏俱善兵法各撰書云云據此則孫武爲

姬姓之後其先由衛遷於齊者也廣韻爲北宋時陳彭

年等所重修最稱賅博必有所據南宋鄧椿姓氏辨證

書謂陳敬仲四世孫無宇二子曰恆曰書書爲齊大夫

伐莒有功景公賜姓孫氏食采於樂安生馮爲齊卿馮

生武宇長卿以田鮑四族作亂奔吳爲將軍云云據此

則又以孫武爲媯姓之後近世儒者多從其說按書卽

春秋傳之孫書昭十九年孫書伐莒杜註孫書陳無宇

新義錄

卷之六

姓名

七

之子子占也至哀十一年艾陵之戰傳載陳書聞鼓不

聞金之語其氣甚壯其兄僖子尙存僖子謂書曰爾死我必得志按僖子

卽陳乞哀六年弑其君荼皆鄧氏以書之兄爲恆恆爲陳成子哀十四年弑而公者非書之兄其年必

不甚老然距伐莒已四十年則伐莒之時其年不過二

十以上至定四年吳師入郢之歲僅十八年是時孫書

之年亦不過四十左右武爲書之孫雖甚早不過十齡

安能立功於吳國又考定四年至哀十一年相隔二十

三年豈有其孫立功於二十三年以前而其祖尙能力

戰於二十三年以後乎史稱北威齊晉爲孫子之力合

之左氏是武佐吳以殺其祖有是理乎如鄧氏說武奔吳時書死已久何以二十餘年以後書尚仕齊又謂武因齊亂奔吳考田鮑之亂在哀六年在入郢後十八年先後尤爲倒置不知後儒何以信之原其故以孫氏著望樂安樂安屬青州爲齊地史以孫武爲齊人適傳有孫書遂以武爲書之孫而不知年代大訛也考姓苑孫氏凡太原東莞吳郡樂安四望則亦不獨樂安樂安西漢縣屬千乘郡見地理志春秋時無此名論語集解疏及任城太守孫夫人碑載魏光祿夫人孫邕爲樂安青

新義錄

卷六十八

姓名

六

州人此或是孫書之後裔若孫武決非書之孫也

孫臏非孫武之孫

史記孫武列傳稱後百餘歲有孫臏亦武之後世孫也不曰孫而曰後世孫最爲有識乃鄧氏辨證書謂武生三子馳明敵明食采於富春生臏據此則臏爲武之孫矣核吳入郢在周敬王十四年臏破魏在顯王十六年相距一百五十四年祖與孫不應如此之遠益信鄧氏之謬

按索隱述贊雖有其孫臏腳之語此減字以成韻語非謂爲武之孫也

段干木不姓段

廣韻二十九換段姓出武威本自鄭共叔段之後風俗通云段干木之後史記老子韓非列傳老子之子名宗爲魏將軍封於段干集解此云封於段干段干應是魏邑名也而魏世家有段干木段干子田完世家有段干朋名也戰國策作段干綸此三人是姓段干也木蓋因邑爲姓左傳所謂邑亦如之是也風俗通氏姓註云姓段名干木恐或失之矣

王良卽伯樂

陔餘叢考曰王良以御趙簡子得名孟子所謂簡子使

新義錄

卷六十八

姓名

五

王良與嬖奚乘是也左傳趙簡子納蒯瞶於衛郵無恤御旣戰簡子曰吾伏咎嘔血鼓音不衰今日我上也郵良曰我兩靽將絕而能止之我御之上也是郵良卽郵無郵也而杜註郵無恤卽王良也國語簡子如晉陽以尹鐸不墮壘將殺之郵無正進諫簡子悟乃以免難之賞賞鐸伯樂與鐸素有怨至是鐸以其賞如伯樂氏曰子免吾死敢不歸祿是伯樂卽郵無正也而韋昭註郵無正云卽郵良也註伯樂云郵無正之字也然則孟子之王良卽左傳之郵良郵無恤左傳之郵無恤卽國語

之郵無正本一人而伯樂則其字也漢書王褒傳王良執靶註內張晏曰王良郵無恤字伯樂是也乃顏師古既知郵無正郵良王良爲一人而又以伯樂另爲一人何哉

按韓非子王良字子期又莊子疏伯樂姓孫名陽不知所據何書

公輸魯般是二人

柳南隨筆曰日知錄云古詩誰能刻鏤此公輸與魯班

下一與字竟以公輸魯般爲二人則不通矣

按孟子集註公輸子

名班魯之巧人也蓋本趙註而去其或以爲魯昭公之子句此以般輸爲一人日知錄所本故以古詩爲不通然顏師古轉據古詩以爲二人然余觀朝野僉載云魯般者肅州燉煌

新義錄

卷六十八

姓名

手

人莫詳年代巧侔造化於涼州造浮屠作木鳶每擊楸

三下乘之以歸云云而六國時公輸般亦爲木鳶以窺

宋城觀此則公輸與魯般本有二人矣

朝野僉載唐人小說不足據按

檀弓季康子之母死公輸若方小斂般請以機封般與班同班爲若之族則公輸班實爲一人矣墨子生孔子沒後未久尙未入於戰國則史記註所引攻墨之公輸蓋卽檀弓之公輸矣非二人也

孟子父名有二

吾亦廬稿曰孟子父名激公宜僅見於列女傳瓦釜漫

記云孟子父名仲璞尤所未聞

孟子之字不一

四書考異曰趙岐孟子題辭謂孟子名軻其字則無聞
孟子雜記謂漢書藝文志註孟子字子車孔叢子王肅
聖證論等書一作子輿一作子與一作子居而楊倞荀
子註又作子輿蓋車居音同輿與興字訛也說皆附會
而王肅謂孟子少居坎軻故名軻字子居之說尤爲穿
鑿唐林寶姓纂曰孟子字子
展未知所本諫亦附會

孟子不當與曾子同字

王宏山志謂曾子字子輿孟子受業子思之門人不應
亦字子輿不知古不諱字卽弟子亦不避師名董仲舒

新義錄

卷六十一

姓名

三

弟子有呂步舒漢人最重師承當時不以爲非也按趙
孟子無字野客叢書引孔叢子以駁之而不知孔
叢子乃晚出僞書也然則孟子字子輿亦不足據

墨翟不姓墨

四庫全書總目提要曰漢書藝文志墨子七十一篇註
曰名翟宋大夫隋書經籍志亦曰宋大夫墨翟撰然其
書中多稱子墨子則門人之言非所自著又諸書多稱
墨子名翟因樹屋書影則曰墨子姓翟母夢烏而生因
名之曰烏以墨爲道今以姓爲名以墨爲姓是老子當

姓老耶

白圭有二人

閻百詩曰史記貨殖傳白圭周人也當魏文侯時李克當作務盡地力而白圭樂觀時變云云蓋天下言治生者祖白圭此一白圭也圭其名孟子白圭曰吾欲二十而取一又曰丹之治水也愈於禹此一白圭也其名丹圭則字爾先後殊不同時自趙氏附會爲一人而集註林氏益以能薄飲食忍嗜欲居積致富欲以其術施之國且爲岐設十層步障矣余嘗斷之曰此兩人也韓非書白圭相魏鄒陽書白圭戰亡六城爲魏取中山又白新義錄

卷六八

姓名

圭

圭顯於中山中山人惡之魏文侯文侯投以夜光之璧魏拔中山在文侯十七年癸酉下逮孟子乙酉至梁凡七十三年爲國之將相者尙能存於爾時乎縱存於爾時尙能爲國築隄防治水害乎苟皆能之孟子與之晤對其爵之尊齒之高當何如隆禮而但曰子之吾子之云乎哉我故斷其爲兩人也

左師讐名一分一合

廿二史攷異曰按史記趙世家左師觸龍言願見太后戰國策作觸讐合龍言爲一字

鬼谷子姓名不一

按中興書目高氏緯略陳氏書錄解題並載鬼谷子鄉里姓氏不傳於世以其所隱自號鬼谷先生玉海引史記正義云鬼谷谷名在雒州陽城縣北五里拾遺記則以鬼谷爲歸谷蓋歸鬼聲轉爾雅所謂鬼之爲言歸也文選註曰鬼谷隱者之通號是又非谷名矣史記云蘇秦師事鬼谷先生似爲戰國時人道藏目錄云姓王名詡晉平公時人神仙傳以爲王詡則詡爲詡之訛代醉編以爲姓王名剛一云名羽丹鉛錄以爲漢書藝文志

新義錄

卷六入

姓名

十一

有鬼谷區三篇註云卽鬼臾區也郊祀志黃帝得寶鼎冕侯問於鬼臾區註云卽鬼容區也容與谷字形相似則鬼容卽鬼谷并不得謂漢志無其書至隋始著也唐志直題曰蘇秦撰史記索隱引樂壹註云蘇秦欲神祕其道故假名鬼谷蓋以國策有簡練以爲揣摩期年揣摩成之語而鬼谷子適有揣摩二篇遂附會其說然漢書從橫家有蘇子三十二篇使假名鬼谷何以班固畧而不註也且史記虞卿傳稱虞氏春秋亦有揣摩篇則是揣摩者游說之通語耳

虞卿無名荆軻無姓

湖樓筆談曰虞卿無名荆軻無姓虞卿說趙孝成王再見爲趙上卿故號虞卿是其名不傳也荆軻其先齊人徙於衛衛人謂之慶卿之燕燕人謂之荆卿是其姓不傳也

孫臏非名黥布非姓

隨園隨筆曰臏五刑中去膝蓋之名齊將孫臏爲龐涓斷其足故稱孫臏其名不傳臏非名也黥墨刑在面之名英布嘗坐法黥故稱黥布黥非姓也

新義錄

卷六十八

姓名

五

漢高帝之祖稱豐公

容齋四筆曰班史有頌高祖曰漢高本系出自唐帝降及于周在秦作劉涉魏而東遂爲豐公蓋太上皇父也
太上皇昭靈夫人姓名之僞

高帝父曰太公母曰媪見於史者如是而已後漢書章帝紀註太公名熅王符以爲名熅與湍同章帝王世紀又以爲一名執嘉史記索隱云昭靈后姓溫氏是時打得班固泗水亭長古石碑文其字分明作溫云唐小說纂異記康州龍媪廟碑皆云姓溫氏帝王世紀謂姓王

氏春秋握成圖又以爲名含始此皆好事者妄引識記
僞造名氏安有公媼名氏實存班馬竟不詳載乎嬾真
子謂漢初質略故太公無名母媼無姓斯言得之矣

四皓姓名不一

羅長源曰揚雄云美行園公綺里季夏黃公角里先生
代之所謂四皓者園公一綺里季二夏黃公三角里先
生四也遭秦苛政避地商之藍田山中後俱葬於安陵
或云爲秦博士世亂乃隱故園稱陳留風俗傳云園公
者園公也其本園姓

蔡伯喈集有園典魏有園文生皆
其後也楚鬻熊之後爲園鄭穆公

新義錄

卷六十八

姓名

重

之子園其
後亦爲園爲秦博士惠帝立以爲司徒然質之傳四皓

當秦在時已入商洛不見其爲博士且漢世無司徒元
壽二年始制大司徒公亦何自爲之此稱謬也雖然四
皓之名言者不一如園公在史記以來漢書法言諸所
記載俱作園公洽聞記作郭園公贊與仙傳拾遺又以

爲東園公角里先生在孔安國祕記及漢紀仙傳作角

蠡而魏子作祿里是特音相假耳

古字祿與角通用故
樂書作棘澗化中太

宗問崔嵬佗曰李覺常言四皓中一人姓角或云用上
加一撇或云用上加一點果何音對曰臣聞刀下用乃
確音兩點下用乃鹿音一撇一點俱不成字然則角里
作角亦非也後漢書有角善叔乃讀作覺音抑又何耶

至綺里季之與夏黃公則畢文簡特以綺里季夏爲一

黃公爲一蓋以逸少淵明子美有黃綺之語非也

逸少句尙

想黃綺帖淵明句黃綺之南山又云且當從黃綺子美句黃綺終辭漢蓋各以首一字呼之不知昔人論四皓或云園綺或云綺夏亦未必盡舉首一字周燮曰追綺里之述世說曰綺季東園公夏黃公角里先生謂之四皓姓書有綺里先生季其字也

然則謂爲夏黃公固可信也按仙傳拾遺云綺里季

東園公角里先生夏黃公與張良爲雲霞之友間二子而言之而夏黃公在崔氏譜老子中經皆謂之夏里黃公則不得云綺里季夏矣又元和姓纂亦有夏里綺里祿里三姓夏里云出四皓河內軹人則文簡之說正爲

新義錄

卷六十八

姓名

美

失之往歲商於人有得四皓神胙機者乃有綺里季與角里之神坐則夏黃公之自爲名益可知也神胙刻更有圈公神坐及圈公神坐機字正作圈而顏師古正俗引圈稱之自敘亦云圈公之後則知圈之爲正亦復考之四皓姓諱有大異者在陳留志則圈公名庚而字宣明襄邑人始居園中因號園公或云姓國名秉與軹人角里先生綺里季夏黃公爲友秉庾字轉是亦稱園公爾故風俗通云四皓園公本亦園者夏里黃公姓崔名廓字少通齊人隱居夏里爰號夏里黃公見崔氏譜而

角里先生則秦伯之後姓周名術字元道京師謂之羈

上先生角里亦其號耳

本河內人吳俗紀云吳人今太湖中有角里村角里秦即逃秦

聘之地

淵明亦嘗引此則非不知黃綺之實者四皓之刻

始見於黃伯思董道繼見隸纂為不誤也三輔舊事云

惠帝為四皓作碑於隱所則知神胙機俱當時所刻者

或云園公姓韋韋口聲也園口意也殆庚辭云

風俗通云園援

也從國袁聲今市語韋氏為園家又史記留侯世家註云園公姓庚

四皓姓名之偽

兩漢博聞四皓條下引顏師古註曰四皓稱號本起於

新義錄

卷六十八

姓名

垂

此更無姓名可稱蓋隱居之人匿蹟遠害不自標顯祕

共氏族故史傳無得而詳至於皇甫謐圖稱之徒及諸

地理書說竟為四人安姓氏自相錯互語又不經班氏

不載於書諸家皆臆說今並棄略一無取焉

按明監本漢書註皆

伏此條幸賴此書載之耳

伏生名勝之疑

書目提要曰伏勝濟南人為秦博士考史記漢書但稱

伏生不云名勝故說者疑其名為後人所妄加然晉書

伏滔傳稱遠祖勝則相傳有自矣

揚雄有姓楊之說

沈作喆寓簡曰楊脩牋云脩家子雲老不曉事強作一書悔其少作子校楊震宏農華陰人震子秉秉子賜賜子彪皆爲漢三公彪實生脩而揚子雲自序云五世傳一子雄無他揚於蜀而雄又無子蓋子雲鄉里姓氏爲蜀之揚非華陰之楊也脩乃謂其家子雲又云述郤宗之過言何哉高祖曰婁者劉也殆類是夫

蠡勺編曰被子雲之揚从才周宣王子尙父封揚侯因以爲氏與修之楊从木不同子雲自序以晉之食采於

新義錄

卷六十八

姓名

庚

揚者爲氏因以爲宗謂揚侯以晉六卿之偏故逃於蜀與左氏遂滅羊舌氏之說不合故顏監譏其乖謬又漢書雄本傳食采於晉之楊楊在河汾之間字凡屢見皆不作揚或漢書傳本之訛又宋揚无咎字補之撰逃禪詞一卷其姓偏旁亦從才不從木蓋子雲之後諸書作楊亦誤

經韻樓集書漢書楊雄傳後曰漢書楊雄傳贊云雄之自序云爾自是總上一篇之辭師古恐人疑爲結法言序目之辭故註之曰法言目之前皆是雄本自序之文

也傳首序世系師古註曰雄之自序譜謀蓋爲疏謬是師古以傳皆錄雄自序甚明顯鄭仲師註周禮送人職曰楊子雲有田一廛仲師卒於建初八年於時漢書初成仲師未必見實用自序語漢書記雄之年壽卒葬皆於贊中補載而不繫諸傳與他傳體例不同則傳文爲錄雄自序不增改一字無疑唐初自序已無單行之本師古特就贊首一語顯之宋洪容齋隨筆謂雄所爲文盡見於自序及漢志初無所謂方言其謂方言非子雲書非也其直稱班傳爲自序則是也劉貢父漢書法云

新義錄

卷六十八

姓名

无

楊氏兩族亦泉氏从木子雲自敘其受氏从才而楊修書稱修家子雲又似震族貢父所見雄自序必似唐以後僞作雄果自序其受氏从才不从木漢書音義及師古註必載其說何唐以前並無此論至宋而後有之且班氏用序爲傳何以不載但曰其先食采於楊因氏焉楊在河汾之間考左氏傳霍楊韓魏皆姬姓國而滅於晉羊舌肸食采於楊故亦稱楊肸其子食我亦稱楊石漢書地理志河東郡楊縣應仲遠謂卽楊侯國說左傳漢書家未有謂其字从手者修與雄姓果不同字斷不

曰修家子雲以敗臨淄侯之嗤笑修語正可爲辨僞之一證矣僞自序者殆附合班傳無它楊於蜀一語師古註曰云蜀諸姓楊者皆非雄族不言諸楊姓者皆从木與雄从才異也廣韻从手揚字之下不言姓从木楊字註云姓出宏農天水二望本自周宣王子尙父幽王邑諸楊號曰楊侯後并於晉因爲氏近時字書又以此語係之从手揚字之下目爲楊雄自序是又非貢父所見僞自序矣今貢父所見僞自序不知存否而據班傳知班傳之外別無自序其謂雄姓从才者僞說也

新義錄

卷六十八

姓名

罕

關侯祖考之名未敢信

筠廊偶筆曰馮山公

景

所撰關侯祖墓碑記云康熙戊

午解州有常平士于昌者讀書塔廟侯故居也昌晝夢

侯授以易碑二大字驚而寤見瘡井者得巨甃碎之甃

上有字昌急合讀乃紀侯之祖考兩世諱字生卒甲子

大略循山而求得墓道焉遂奔告解州守主朱旦朱旦

作關侯墓記記中載侯祖石磐公諱審字問之和帝永

元二年庚寅生居解州常平村寶池里公冲穆好道以

易春秋訓其子卒於桓帝永壽三年丁酉享年六十八

子諱毅字道遠性至孝父沒廬墓三年既免喪於桓帝

延熹三年庚子六月二十四日生侯

鐵槎山房聞見錄云毅仍先志讀書

於窀穸處不知涓吉狗福澤爲子孫祈者而其地適侯

當中條之至中羣峯交擁勢馳萬馬遂毓生關侯

長娶胡氏於靈帝光和元年戊午五月十三日生子平

其大略如此昔趙宋時劉廷翰官貴當追封三代少孤

其大父以上不皆逮事忘其家諱太宗爲撰名親書賜

之載在宋史以爲美談亦以教孝也而况侯之祖若考

皆有名氏載壙石章章可考顧忍軼之哉

趙甌北曰校東漢人尙無別號今旣名審字問之則石

新義錄

卷六十八

姓名

五

磐乃別號一可疑也名審則字問之名毅則字道遠皆

取論語中庸之文其時中庸雜在禮記中何以兩代名

字恰用中庸論語二書一可疑也壯繆尙有子曰興碑

旣載其兄何不載其弟三可疑也壯繆歿後子孫在蜀

解州故鄉尙屬魏晉此碑何時何人所立并不附見四

可疑也馮景所記其信然耶否耶

余按金石文跋尾云至正十二年五月關

王廡碑許州判官晉顏立石文稱相傳王以六月二十

二日生子平五月十三日生蓋荆楚人相傳之說亦不
足據又關西故事載壯繆本不姓關嘗殺人亡
命至潼關關吏問之隨口指關爲姓說尤荒謬

祖述字士雅之誤

俗以泌字士雅此誤也攷晉書祖泌傳字士雅范陽遵人也然遵字亦誤王西莊據漢地理志遵當作道

干寶不姓于方于不名干

鶴林玉露曰楊誠齋嘗與同舍談于寶一吏曰干字非

于驗書果然再檢韻書干字下註云晉有干寶也友人

方雲槎謂唐宋詩人方干名于不名干以方字雄飛引

詩衛風雄雉于飛為證其說亦通又唐初國清寺僧豐干與拾得著詩一卷

附寒山子集後俗稱豐干亦誤

苻堅與苻融姓不同

新義錄

卷六十八

姓名

三

野客叢書曰晉書載記秦王苻堅其先有扈之苗裔因

家池中蒲生長五文遂以為氏其祖蒲洪又以讖有草

付應王之文改而姓苻後漢黨錮傳苻融其先魯頌公

孫雅仕秦為符璽郎因而姓苻然則苻堅之姓從草苻

融之姓從竹堅弟亦名融屢諫堅伐晉後死於淝水二姓固自不同也

鮑照本名照

書目提要曰鮑參軍集十卷宋鮑照撰照或作昭蓋唐

人避武后諱所改韋莊詩有欲將張翰松江雨畫作屏

風奇鮑昭句押入平聲殊失其實按宋禮部貢舉條式齊桓避諱作齊威可

用於句中不可押入徵韻

與昭明太子同集文選十人姓名

丹鉛雜錄曰梁昭明太子統聚文士劉孝威庾肩吾徐防江伯操孔敬通惠子悅徐陵王囿孔爍鮑至十人謂之高齋十學士集文選十人姓名人多不知

李杜皆可稱拾遺

甌北詩話曰杜少陵曾官拾遺青蓮亦曾有此官劉全自撰墓碣云代宗登極廣拔幽滯君亦拜拾遺聞命之後君卽逝矣新唐書亦載之旣聞命而卒則及身曾受新義錄

卷六十八

姓名

三

此官是青蓮亦可稱李拾遺也

杜甫諡文貞

宛委餘編曰偶閱張伯甫贈鈕憐大監詩跋云曾爲杜甫請得賜諡曰文貞虞奎章集紀其事浣花翁得諡於元亦奇聞也

八仙歌中焦遂可考

杜工部飲中八仙歌葉夢得避暑錄話謂惟焦遂不見於書傳今考唐袁郊甘澤謠所載陶峴條中實有布衣焦遂而絕無口吃之說

字典引唐史拾遺焦遂口吃對客不出一言醉則酬答如注射

馬周李泌無諡

曉讀書齋初錄曰唐馬周李泌二人位極人臣始終眷
遇不替而死後獨無諡余謂當是史臣漏筆

宋璟無字

十七史商榷曰舊新唐書不璟傳皆無字而顏真卿撰
神道碑於公諱璟下有字字其下空二格宋顏相去時
代不遠而竟闕然蓋唐初人多以字行宋則直有名無
字尤異事也

盤谷李愿非西平王之子

新義錄

卷六十八

姓名

語

隨園隨筆曰韓昌黎爲李愿作盤谷序因學紀聞誤以
爲西平王之子不知西平王之子愿非隱者爲校檢司
空河中節度使見裴晉公所撰神道碑唐别有李愿隱
居盤谷

温庭筠之訛

黃嬭餘話曰北夢瑣言温庭雲字飛卿或作庭筠舊名
岐又桐薪云温岐改名庭雲字飛卿而他書或作庭筠
不曉所謂據此兩說則飛卿名似當作庭雲

南唐君臣姓名之誤

南唐烈祖諱昇被廣韻音十日光貌今坊本誤昇作昇
又大將皇甫暉暉古鈍切滾去聲大目出也今又誤作
光暉之暉

老泉非蘇洵號

葉少蘊石林燕語謂老泉者眉山蘇氏瑩有老人泉子
瞻取以自號故子由祭子瞻文老泉之山歸骨其旁云
云葉蘇同時當不謬也而今人多指爲其父明允之稱
袁簡齋謂誤於梅都官有老人泉詩然子瞻自註云家
有老人泉公作此詩何由傳誤七修類稿載子瞻有東
新義錄

卷八

姓名

三

坡居士老泉山人八字共一印章而子瞻畫竹亦用老
泉居士硃文印則老泉實子瞻號矣又子瞻得鍾山泉
公書寄詩云寶公骨冷喚不聞卻有老泉來喚人果老
蘇號老泉敢作爾語乎

東坡之號不一

黃嬾餘話曰坡公字子瞻一字和仲其弟子由一字同
叔見陸深玉堂漫筆而今人罕稱公又字子平文與可
詩云子平謂我同所嗜萬里書之特相寄題下註云詩
中子平卽子瞻也又詩家多稱公爲髯翁髯仙長帽翁

惟山谷詩翰林若要眞學士喚取儋州禿髮翁趙德麟
侯鯖錄謂指坡翁今人亦罕稱之

岳武穆原諡忠武

天祿識餘曰宋贈岳鄂王飛諡忠武文曰李將軍口不
出辭聞者出涕藺相如身雖已死凜然猶生又曰易名
之典雖興議禮之言未一始爲忠武之號旋更武穆之
稱獲觀中興之舊章灼如皇祖之本意爰取危身奉上
之實仍采勘定禍亂之文合此兩言節皆一惠昔孔明
之志與漢室子儀之光復唐都雖計効以或殊在秉心

新義錄

卷六十八

姓名

美

而弗異垂之典册何嫌今古之同詞賴及子孫將與河
山而並久然今天下岳祠皆稱武穆此未定之諡也當

稱忠武爲宜

飛改諡忠武
見李燾長編

考亭不宜稱朱子

隨園隨筆曰考亭者五季黃端子稜葬父建陽玉枕山
名其亭曰望考亭以望先隴朱子之父卜居焉故曰考
亭文公家譜有鄰人葬父求題其亭公書考亭二字與
之然則二字與公無涉而今通稱朱子爲考亭誤矣或
曰朱子年六十一自崇安移居考亭名精舍曰竹林以

居學徒奉先聖後人遂掩其父而稱之然亦非朱子所安也

朱子小字沈郎之誤

楹聯續話曰朱子以建炎庚戌九月十五日生於延平之尤溪故小字沈郎沈水名即尤溪縣亦因此得名也

沈郎朱子小名季延其小字也

金元人姓名之誤

金元兩朝人名氏族舊多謬誤謹遵 欽定遼金元三

史國語解釋其尤著者恭錄於後

新義錄

卷二十八

姓名

三

金

阿古達

太祖舊作阿骨打

烏奇邁

太宗舊作吳乞買後改名晟

赫拉

熙宗舊作合

刺後改名直

迪古彌

即海陵彌舊作乃後改名亮

烏嚕

世宗舊作烏祿後改名雍

瑪達

干章宗舊作麻達

烏都布

宣宗舊作吾都補後改名珣

尼瑪哈

昭宗

舊作粘沒喝

喇布

昭宗舊作喇布作幹離不

烏珠

太祖第四子封梁王舊作兀末

後改名宗

洛索

舊作婁室屢犯關陝者

達賚

舊作達廼屢犯宋後縱秦檜還者

薩里

干舊作撒離喝

博索

舊作字撒敗張沒於符離者

鄂爾多

世宗父屢犯宋者

烏延

舊作烏野掌國史者

元

卻特特穆津太祖舊作奇渥溫鐵木真諤格德依太宗舊作窩闊台莽賚扣

憲宗舊作呼必賚世祖舊作忽必烈特穆爾成宗舊作鐵木耳海桑武宗舊作

山阿裕爾巴里巴特喇仁宗舊作愛育犁援丈八達碩迪巴拉英宗舊作

碩德八刺伊遜特穆爾泰定帝舊作也孫鐵木兒阿蘇奇布天順帝舊作阿速吉八

和錫拉明宗舊作和世球圖卜特穆爾文宗舊作圖帖睦爾額琳沁巴勒

甯宗舊作託懽特穆爾順帝舊作妥懽帖睦爾穆呼哩舊作木華黎官太師

太祖巴延舊作伯顏官太傅滅宋功第一阿珠舊作阿朮征南安圖舊作

安童右相博囉舊作字羅官丞相問文天祥者嘉木揚喇勒智元西僧掘宋陵者舊

作揚連真伽雅克特穆爾舊作燕帖木兒文宗相取泰定帝后為夫人者托克托舊作

新義錄 卷六十八 姓名 美

脫脫順帝有丞相討巴延平李二於徐州及監修宋庫遼金三史者又有武宗左丞相及遼王俱名托克托

庫舊作夔夔官翰林學士承旨庫庫特穆爾舊作擴廓帖木兒即王保保後封河南王

又如遼將耶律休格舊作耶律休哥敗宋太宗於高梁河敗曹彬於歧溝者明瓦

刺額森舊作也先土木之變擁英宗北去者之類不可枚舉又按金國官名勒總治

官名也舊作勃極烈阿木班貝勒官之尊貴者舊作諸班勃極烈固倫貝勒謂尊禮優崇得自由者國相是也

舊作國論勃極烈元太祖自稱達貝勒舊作都勃極烈皆誤

元不姓奇渥溫

謹按三史國語解云元太祖卻特特穆津卻特舊作奇渥溫特穆津舊作鐵木真今並改正元史又以奇渥溫

爲元室之姓亦非也元之國姓乃博爾濟錦氏卻特其
貴種耳

余忠宣之訛

隨園隨筆曰遼金元史於人姓名字少者合姓名以書
之字多者則書名而後以姓書於下後人不知其故但
摘取其名之第一字爲姓如稱唐兀余闕爲余忠宣公
誤矣或以余爲余之訛應讀蛇則升菴先生固已辨之
古無余字錢辛楣云唐兀卽西夏也其人往往有姓與
他部落不同忠宣姓余無明證然宋濂已稱之矣

新義錄

卷六十八

姓名

美

余忠宣有諡文忠文貞之說

元史考異曰余闕傳追封幽國公諡忠宣按程國儒序
青陽集云諡文忠追封夏國公張紳以爲初贈夏國公
諡忠愍改贈幽國公諡忠宣丁鶴年有過安慶追悼余
文貞公詩宋景濂手定元史而集中余左丞傳亦作文
忠未審孰得其實

孫傳庭之訛

浪跡續談曰今人多稱孫白谷爲傳庭歷考明史通鑑
輒覽綱目三編勝朝殉節諸臣錄及白谷集乃皆作傳

不作傳蓋宋儒有陳君舉名傳良者人多誤爲傳良此實傳庭又或誤以爲傳庭耳

箕子名胥餘之誤

潘氏維城曰史記宋世家正義引司馬彪說箕子名胥餘論語後錄曰周禮司厲其奴男子入於罪隸鄭司農曰今之奴婢古之罪人也疑胥餘以罪言之非名也詩淪胥以鋪淪胥卽熏胥熏以爲閻胥者胥靡之胥餘猶言刑餘也呂氏春秋曰傳說高宗之胥靡漢書楚元王傳申公白生諫不聽胥靡之是古有此刑矣經義知新

新義錄

卷二十八

姓名

甲

錄亦云莊子大宗師云若將不借務光伯夷叔齊箕子胥餘紀它申徒狄是役人之役適人之適而不自適者也然則胥餘非箕子之名也

飲中八仙有二說

養新錄曰范傳正譔李太白墓碑云時人以公及賀監汝陽王崔宗之裴周南等八人爲酒中八仙案子美飲中八仙歌無周南名蓋傳聞異詞唐書李白傳載酒八仙人姓名與杜詩同

申包胥卽楚冒勃蘇之說不一

丁履叔未廬札記曰國策楚莫敖子華曰昔吳與楚戰於柏舉三戰入郢芈冒勃蘇贏糧潛行

文選註引國策作樊冒勃蘇樊

卽芈之轉蹠穿膝暴七日而薄秦朝雀立不轉晝吟宵哭七日不得告水漿無入口秦遂出革車千乘卒萬人屬之

子滿左氏作蒲與子虎下塞以東與吳人戰於濁水大敗之

困學紀聞曰芈冒勃蘇卽申包胥也豈芈冒之裔楚之

同姓歟莊氏述祖云申包胥楚之公族芈冒卽楚之先

芈冒其後爲芈冒氏黃氏丕烈國策札記曰申包胥爲芈冒氏猶鬪子文爲若敖氏也按秦庭乞師左氏定四年傳及淮

南子脩務訓俱作申包胥鵠冠于包作庶集韻包作鮑則勃蘇卽包

新義錄

卷六十八

姓名

聖

胥矣史記集解引服虔曰楚大夫王孫包胥惟包胥爲

芈冒後故服氏以王孫稱之申是其封邑史記秦紀正義以爲封於

申包胥與勃蘇音近可以通借包之爲勃猶庖羲之庖

轉爲宓也胥之爲蘇猶姑胥之胥轉爲蘇也至梁氏人

表考引錢宮詹說謂冒乃篆文申字之誤芈字疑後妄

加洪氏左傳詁謂芈與申同音包字急讀卽爲冒勃似

俱未確

禰衡之禰不宜在蕭韻

章大來何陽雜錄謂禰衡之禰本音祗在蕭部中杜詩

使者求顏闔諸公厭禰衡白詩志業過袁晏才華似禰
衡皆隨俗音讀耳愚案陳澹禮記集說文王世子公禰
註禰讀作祧字彙據以入蕭韻此章氏所本也 字典
謂公禰之禰注疏讀如字陳氏集說不可依廣韻三蕭
有祧無禰十一薺禰字注奴禮切祖禰也亦姓出平原
魏有禰衡廖氏用賢尙友錄入薺禰姓註父廟爲禰此
從父而別姓也然則杜白二詩不誤章氏誤信字彙耳
炎帝與神農非一人

左傳昭公疏引譙周古史考云炎帝與神農各爲人不

新義錄

卷六十八

姓名

聖

知譙氏本自何書

米元章不名芾

浪跡叢談曰相傳蘇行書署名艸頭右先橫米行書草
頭右先直此言於米猶未盡合蓋芾之上半乃从艸並
非艸頭作者當先兩直後兩點凡米款眞蹟皆如此其
下半係先作一次作冂次中直透上而下實卽芾字省
文耳雖行草皆可以此辨之若僞米蹟之款則直於草
頭下加市矣豈通人如海嶽乃至自誤其名乎 自註米
元祐六年以前皆作穀六年以後 書款自
始改書作芾是元祐辛未年也

孔子諱宜改讀期音

茶香室續鈔曰橋西雜記雍正三年 上諭孔子諱理應迴避令九卿會議九卿議以凡係姓氏俱加卩爲邱凡係地名皆改易他名書寫常用則從古體作上上諭今文出於古文若改用卩字是末嘗迴避也此字本有期音查毛詩古文作期音甚多嗣後除四書五經外凡遇此字並加卩爲邱地名亦不改易但加卩旁讀作期音庶乎允協足副尊崇 先聖至意謹案加卩作邱至今遵行至讀期音則世無知者宜申明之也

新義錄

卷之八

姓名

聖

匡人伯氏名

茶香室續鈔曰洪北江曉讀書齋四錄論語子畏於匡何晏集解及史記孔子世家皆止云匡人惟說苑韓詩外傳及王肅所造家語以爲匡簡子奪伯氏駢邑三百孔安國注及史記亦止云伯氏齊大夫獨皇侃論語疏以爲伯氏名偃皆當有所本而今無考

况鍾有姓黃名鐘之說

吳中故事言况公本姓黃然明史不載俞蔭甫謂公字伯律疑其名鐘黃鐘律名其名蓋依姓取義也

左邱明姓左邱之誤

段氏玉裁曰山東巡撫請爲左邱明立博士欲以邱姓承充此誤也考之經史先賢蓋左姓名邱明絕無可疑論語公冶長篇曰左邱明恥之某亦恥之孔安國曰左邱明魯太史也梁時皇侃義疏曰左邱明受春秋於仲尼者也云某亦恥之者亦從邱明恥也唐孔穎達春秋正義卷一曰沈氏云嚴氏春秋引觀周篇云孔子將修春秋與左邱明乘如周觀書於周史歸而修春秋之經邱明爲之傳共爲表裏晉杜預春秋傳序曰左邱明受

新義錄

卷六十一

姓名

四

經於仲尼下文曰退不守邱明之傳於邱明之傳有所不通又曰專修邱明之傳以釋經又曰蓋邱明之志也又曰仲尼素王邱明素臣以上三事皆上言左邱明下言邱明言左邱明是全舉其姓名言邱明是單舉其名文法至顯至如嚴氏春秋乃西漢之書所引觀周篇乃周秦之書早謂左爲姓邱明爲名是則自周秦至於六朝未有不謂左姓而名邱明者也自漢至今多言左氏傳未有言左邱氏傳者漢書藝文志列六藝於春秋家曰左氏傳三十卷曰公羊傳十一卷曰穀梁傳十一卷

班固自注曰左邱明魯太史公羊子齊人穀梁子魯人假令複姓左邱則何不同公羊穀梁之例云左邱傳三十卷也上言左氏則注言邱明者其名可知也或謂漢人之文未有言左氏邱明者則左姓名邱明亦尙無確證今按漢魏晉六朝唐人之文皆言左氏不言左邱氏皆言邱明不單言明固已隨處可證况漢書楚元王傳劉歆移讓太常博士書曰魯恭王得古文於壞壁之中逸禮有三十九書十六篇及春秋左氏邱明所修多者二十餘通藏於秘府明言左氏邱明確鑿可據文選卷

新義錄

卷六八

姓名

巽

四十三載其文無異是以孔穎達作春秋正義卷一云邱明爲傳以其姓左故號爲左氏傳永樂大典所載唐元和姓纂寄韵左姓下云魯有左邱明邱明之後魏左雄生思是則自漢訖唐未有言先賢姓左邱者也然則左邱之說何昉乎司馬遷史記自序及報任安書皆云左邱失明厥有國語漢人言左氏者不下百千萬處言左邱者僅一見於是三人占則從二人之言未有據一以廢百千萬者也不曰左邱明而曰左邱蓋司馬氏偶然損字如晉公子重耳左傳哀四年稱晉重仲孫何忌

魏曼多公羊經定六年哀十三年作仲孫忌魏多之比
抑或左邱明失明本一句內兩明字因或刪之歟十二
諸侯年表曰魯君子左邱明成左氏春秋必加魯君子
於姓名之上是其尊先賢之意也鄭康成注儀禮曰君
子國中有盛德者是也且自古未有氏左邱者廣韻邱
字下引漢複姓四十四氏自籍邱梁邱以至厚邱泥邱
厯厯可數不數左邱唐元和姓纂亦無複姓左邱氏宋
人葉夢得乃言有左氏有左邱氏左氏爲傳左邱氏爲
國語因司馬遷之言而附會之而鄧名世作姓氏書辨

新義錄

卷六入

姓名

異

證遽信無稽出左邱氏蓋邪說之生於唐後如此且左
邱氏不可云邱氏明矣東方朔可云方朔不可云姓方
司馬長卿可云馬卿不可云姓馬該撫所據者廣韻十
八尤邱字下引風俗通云魯左邱明之後此固當辯風
俗通氏姓篇今不傳廣韻不當摘取左姓名之名以證
邱姓蓋風俗通本謂左姓爲魯左邱明之後作韻書者
應入之寄韻左下而誤入尤韻邱下此事理之顯然無
可疑者元和姓纂亦本風俗通則入之左姓下不誤是
則非風俗通有誤而廣韻誤也豈可援以定譜牒之學

豈可援以定先賢譜牒崇德象賢之禮倘其一姓分爲
二姓如漢潛夫論所說苦城漆雕公治者猶必左邱之
後分而或左或邱見於古人紀載確有明文況自漢至
今日左氏曰左傳本無曰左邱者又安得有去左言邱
之證據也

許由父名耳

梁元帝金樓子曰許耳之子名由字道開一字武仲黃
白色長八尺九寸兄弟七人十九而隱堯欲禪之由乃
洗耳

新義錄

卷六八

姓名

畢

鬪穀於菟作穀之誤

甕牖間評曰左傳楚人謂乳穀穀字德明音奴口切然
穀無乳義廣韻去聲穀字乃后切又去聲穀字如豆切
皆云乳也蓋左傳作穀或作穀字初非穀字校按勘記
曰說文穀
乳也从子穀聲釋文穀字卽
穀字之訛又作穀用假借

浩生不害非告子

孟子禰記曰告子趙注告姓也各不害盡心篇有浩生
不害疑爲告子姓告名不害字浩生然趙注又云浩生
姓不害名則是二人矣按薛氏人物考獨遺告子豈卽

以浩生不害爲告子耶按四書釋地浩生複姓不害名與告子各自一人趙於告子篇誤注名不害且臆度其嘗學於孟子

孟施舍之施非助辭

四書辨疑曰孟施舍之施非助辭宜以施舍爲名舍豈能上合有施字蓋傳寫脫漏

四書考異曰古人二字名或稱一字如紂名受德泰誓但稱商王受曹叔名振鐸國語但稱叔振晉文公名重耳左傳但稱晉重魯仲孫氏名何忌春秋定六年但稱忌孟施卽不脫字亦不嫌其自稱舍也

新義錄

卷之八

姓名

吳

溫八又有八吟之號

俞蔭甫曰唐王定保摭言云溫庭筠每賦一詠一吟而已場中號溫八吟按今人但知溫庭筠有溫八又之名不知有溫八吟也八又事出北夢瑣言

司馬溫公初字公實王荊公初字介卿

崔應樞攤飯續談載溫公會字公實見瞿耆年籀史註安石初字介卿見曾子固懷友詩今人知有君實不知有公實知有介甫不知有介卿

老蘇無諡

俞蔭甫曰元劉壎隱居通議云三蘇皆得諡文老泉文
安東坡文忠穎濱文定按老蘇之諡本傳不載據本傳
云乃以爲霸州文安縣主簿後人稱其官曰蘇文安劉
氏誤以爲諡耳

朱子別號

俞蔭甫曰鉗樹玉非石日記云觀宋本朱子易學啟蒙
序後題云雲臺真逸據此知朱子有雲臺真逸之號亦
人所罕知也

黃子久姓名之異

新義錄

卷六十八

姓名

異

俞蔭甫曰黃崇簡冬夜箋記云黃子久姓陸依常熟之
黃遂易姓又葉廷琯鷗波漁話云康熙閒吳中顧來侯
復纂書畫壯觀錄載黃子久水墨山水署款大癡道人
靜堅此名不經見余按堅與久義相應名靜堅故字子
久也

吳梅村王漁洋別號

俞蔭甫曰橋西襍記云予得歸文休昌世墨竹卷後有
吳梅村跋自署大雲居士又王漁洋號詩亭逸老見程
哲所刻蓉槎蠡說序

新義錄卷六十九目錄

姓名類二

姓與氏不同

朱子誤併姓氏爲一

姓氏皆神明後之謬

父子不同姓

兄弟不同姓

後世避諱之謬

生不稱諱而稱諱亦可

新義錄

卷六十九

目錄

生而賜諡之說不足據

諡有美無惡

諡法無正字

古稱字最重而自稱字亦可

智囊非美稱

男人女名女子男名

姓名隱僻

婦女姓名隱僻

張王李趙皆黃帝所賜姓

朱張顧陸所稱郡望多誤

新安汪氏郡望不當稱平陽

東漢無二字名

諡法貴一字二字之說不一

新義錄

卷六九

目錄

二

新義錄卷六十九

安徽太平縣孫璧文玉塘甫

一字玉堂

姓名類二

姓與氏有別

趙氏彥衛曰姓與氏後世不復別

通鑑長編上古男女無別太昊始制嫁娶

正姓氏姓者統其祖考之所自

但曰姓某氏雖史筆亦

然日知錄姓氏之稱自太史公始混為一本紀於

秦始皇則曰姓趙氏於漢高祖則曰姓劉氏

記帝紀註引左傳無駭卒羽父請諡與族公問族於眾

仲對曰天子建德因生以賜姓胙之土而命之氏諸侯

新義錄

卷六十九

姓名

一

以字為諡因以為族官有世功則有官族邑亦如之公

命以氏為展氏註曰天子賜姓命氏諸侯命族族者氏

之別名也姓者所以統繫百世使不別也氏者所以別

子孫之所自出也解春秋者曰因生以賜姓者謂若舜

之媯禹之妣伯夷之姜是也胙之土而命之氏者若舜

之有虞禹之有夏伯夷之有呂是也於字則叔牙季友

展無駭臧儋伯是也於諡則文武成宣宋載惡衛齊惡

是也於官則司馬司徒之類是也詳此諸侯既命於天

子為某公侯則是命之氏矣諸侯位卑不得賜姓其有

以王公及以字爲氏或以官以邑爲氏者既無土可分則姓與氏無別註史記者所以有族者氏之別名之語也姓者統百世如周姓姬是也氏所以別子孫如魯衛毛聃邾晉應韓之分是也又春秋時諸侯之子爲大夫則稱公子孫則稱公孫公孫之子與異姓之臣未賜族而身爲大夫則稱名無駭俠之類是也已賜族而使之世爲大夫則稱族如仲孫叔孫季孫之類是也此諸侯不得命氏而得命族之例也若夫易云黃帝堯舜氏作堯舜雖非姓氏既是天子當一代稱曰堯舜氏義亦通此又不拘姓氏之例也

朱子誤併姓氏爲一

日知錄曰朱子註論語孟子如太公姜姓呂氏名尙其別姓氏甚明至子夏孔子弟子姓卜名商子禽姓陳名亢子貢姓端木名賜子文姓鬬名穀於菟之類皆以氏爲姓齊宣王姓田氏名辟疆則併姓氏而爲一矣豈承昔人之誤而未之正歟

原註來自夾漆鄭氏始著氏族畧以前人多未講此故博古圖

言州吁姓州而徽宗欲倣周人王姬之號故公主謂之帝姬

姓氏皆神明後之謬

新義錄

卷六十九

姓名

二

紀文達曰自有天地卽有君民據姓氏書所說無不出自神明之後卽至微者如倉庚之類亦出世官然則洪荒以後秦漢以前其庶人皆後嗣殄絕乎

父子不同姓

隨園隨筆曰堯姓伊祁丹朱姓狸是父子不同姓也

按皇

甫謚云堯初生時其母在三阿之南寄於伊長孺之家故從母所居爲姓是堯亦未從父帝嘗姓也

兄弟不同姓

隨園隨筆曰晉語司空季子曰同姓爲兄弟黃帝之子

二十五人其同姓者二人而已惟青陽與夷鼓皆爲己

新義錄

卷六九

姓名

三

姓其餘四母之子別爲十二姓少典取有蟯氏生黃帝炎帝黃帝以姬水成故姓姬炎帝以姜水成故姓姜是兄弟不必同姓也

後世避諱之謬

周人以諱事神名終將諱之左氏語也二名不偏諱孔子之訓也然亦有不諱者齊東野語云周頌克昌厥後又曰駿發爾私此廟中不諱也春秋莊公名同而書同盟僖公名申而書戊申又定公名宋而書仲幾此臨文不諱也文王諱昌而箕子陳洪範曰使羞其行而邦其

昌厲王諱胡而宣王時詩曰胡不相畏胡爲虺蜴周禮
有昌平之俎詩有感發之詠大誥弗棄基不諱后稷乘
字孔子父叔梁紇而春秋書臧孫紇成王諱誦而吉甫
作誦之句正在其時此詩書不諱也且不僅此也衛有
公叔發鄭有公子發是武王之諱不避矣魯有柳下惠
展禽是伯禽之諱不避矣茲與期莒之祖也而後世有
茲平公及展與庚與季勝趙之祖也而春秋有趙勝戰
國有公子勝平原君亦名勝陳完田齊之始祖也而陳
成子有兄曰完凡此豈得援舍故諱新之例以爲詞耶

新義錄

卷六十九

姓名

四

稷盧抱經之言曰周襄王名鄭而不聞鄭國改封魯廢
具敖二山而有公孫敖衛襄公名惡而其後有大夫齊
惡何以不諱且有子孫與其先世同名者高圉之父名
辟方而孝王名辟方厲王名胡而僖王名胡晉惠公名
夷吾而靈公名夷皋鄭武公名掘突而厲公名突蔡文
侯名申而昭侯名申杞桓公名姑容而文公名益姑昔
渠邱公名朱而犁比公名買朱鉏雖古人尙質亦見祖
宗之名世世不可復諱耳自秦始皇以莊襄爲楚始改
楚爲荆已名政改正月爲一月漢世因之如惠帝名盈

改爲滿景帝諱啟以微子啟爲微子開武帝諱徹以徹
侯爲通侯蒯徹爲蒯通宣帝諱詢以荀卿爲孫卿元帝
諱奭當時奭氏改爲盛氏漢司徒盛允其後也東漢光
武諱秀改秀才爲茂才明帝諱莊謂莊光爲嚴光殤帝
諱隆以隆慮爲林慮安帝父清河王諱慶以慶氏爲賀
氏自是而三國吳大帝立子和爲太子改禾興曰嘉興
逮晉宣帝諱懿王仲德乃以字行元帝諱睿王元德因
以字著景帝諱師以師保爲保傅以京師爲京都文帝
諱昭以昭穆爲韶穆昭君爲明君韋昭爲韋曜愍帝諱
鄴以建鄴爲建康至若隋文帝父諱忠凡郎中皆去中
字侍中爲侍內中書爲內史中廬爲次廬煬帝諱廣以
廣樂爲長樂廣陵爲江都至唐若高祖之祖諱虎以猛
獸代之晉書易石虎以季龍南史易周鐵虎以鐵武北
史易韓擒虎以韓擒又易張彫虎以彫武赤虎儀同爲
赤彪虎賁之士爲武賁高祖之父諱昞晉書及北史丙
字皆以景字代如景寅景子景戌之類高祖諱淵改龍
淵爲龍泉晉書劉淵爲劉元海戴淵爲戴若思北齊趙
文淵爲趙文深太宗諱世民凡言世皆曰代民皆曰人

新義錄

卷六十九

姓名

五

南史王規傳俊民作俊人又民部曰戶部高宗諱治凡
言治皆曰理元宗諱隆基以隆州爲閩中代宗諱豫以
豫章爲鍾陵德宗諱适改适州爲處州穆宗諱恒改恆
山爲常山梁朱溫父名誠改城曰墻又改曰州晉高祖
名敬瑭分敬氏爲文氏苟氏宋孝宗諱慎慎氏改爲眞
此歷代帝名之諱於當時者也不特此也呂后名雉封
禪書謂野雞夜雉晉簡文鄭后名阿春以春秋爲陽秋
富春爲富陽斬春爲斬陽武后名壘以詔書爲制書鮑
照爲鮑昭中宗太子重照爲重潤光宗慈懿李后名鳳
新義錄

卷六十九

姓名

六

娘六宮呼金鳳花爲好女兒花此歷代后名之諱於當
時者也不特此也後趙避石勒謂馬勒爲轡羅勒爲
香萊吳越錢武肅王諱鏐改劉氏爲金氏留住爲駐住
楊行密據江淮滁人呼荇溪爲菱溪揚州民呼蜜爲蜂
糖其父名怱與夫同音凡大夫俱改大卿又不特國諱
爲然也司馬遷父名談史記趙世家以張孟談爲孟同
季布傳貴人趙談爲趙同王羲之父名正每書正月爲
初月或作一月餘則以政字代之范曄父名泰後漢書
郭林宗爲郭太鄭公業爲鄭太李勣父名楚金故爲文

皆以今爲茲蘇子瞻祖名序故以序爲叙或改作引此
又家諱之可徵者也然皆避所當避者也更有不當避
者殷仲堪不肯稱父名於君前曰臣進退惟谷宋仁宗
命胡瑗修國史瑗乃避其祖諱不拜此外有聞父諱則
哭又有父名巖聞稱巖寒則流涕父名石終身不踐石
父名晉子不得舉進士父名皋子不得於高姓主司門
下登第父名龜子爲主司黜歸姓者父名岳終身不聽
樂皆過乎情者也然亦見其孝思更有避之可醜者北
齊熊安生見徐雄和安自稱觸觸生蔡京當國考試官
新義錄

卷六十九

姓名

七

遇大哉堯之爲君及君哉舜也字句皆避以爲哉與災
音同至於京東京西并改爲畿左畿右門下薛昂避之
尤謹併禁其家人犯者有咎責昂常自誤及之家人以
爲言乃舉手自擊其口蔡經國聞京閩音稱京爲經乃
奏乞改名純臣其後安惇爲從官章惇爲相安見之但
稱享而已明代山東巡按李精白祝魏璫詞云堯天巍
蕩帝德難名巍字山移下書懼壓上公之首此等詔媚
真是想空心血者然此亦下爲上諱也建隆初慕容彥
釗吳廷祚皆拜使相因彥釗父名章廷祚父名璋爲改

同中書門下平章事爲同一品紹興中沈守約湯進之
二相父皆名舉遂改提舉書局爲提領是直君爲臣諱
矣容參隨筆載後唐天成初新除郎中于鄴往參尙書
盧文紀以父名嗣業與同音不見鄴憂畏自經文紀坐
謫石州司馬此因避諱釀成人命者尤可怪也善乎杜
邴公之言曰父母之諱在我而已於人何與焉抵某任
吏來請諱曰我所諱者只諱枉法貪贓韓蘄王戒家人
曰汝曹毋諱忠字諱而不言是忘忠也嗚呼二公之言
可以取法矣

吳主女諱二十今猶以二十爲念自元
以來偏名嫌名俱不諱見雲谷卽餘

新義錄

卷六十九

姓名

生不稱諱而稱諱亦可

訂譌雜錄曰禮生日名死曰諱又卒哭乃諱以故吳楚
材疆識略言漢樊毅西嶽碑不宜生而稱諱然歐公金
石錄謂生而稱諱見於石刻者甚多又漢書宣帝詔曰
天子之名難名而易諱也是生而稱諱西漢已然世俗
稱生人曰尊諱固由俚俗相沿蓋亦有所本耳

生而賜諡之說不足據

讀書脞錄曰困學紀聞云衛侯賜北宮喜諡曰貞子賜
析朱鉏諡曰成子是人臣生而諡也何義門曰頃得宋

槩本不全左傳恰有昭二十年衛侯賜北宮喜事杜註
云皆死而賜諡及墓田傳終言之較近刻少未字而字
意尤明義尤協似勝王氏所據之本余案註皆未死句
絕言二人皆未死也卽從今本有未字亦非如厚齋生
而賜諡之說玩傳終而言之句語意自明

相臺岳本
有未字

諡有美無惡

隨園隨筆曰諡之有美惡左氏載楚共王臨死而請楚
成王勿瞑而爭孟子言雖孝子慈孫百世弗能改獨鄭
夾深以爲凡諡皆美詞名且諱之而忍揭其惡乎靈之

新義錄

卷六九

姓名

九

爲言昭也厲之爲言武也幽之爲言傷也皆美詞也引
子温而厲爲證春秋大事表謂鄭氏好爲異說而不知
其同始皇之見且孟子周時人以幽厲
爲惡諡則鄭氏
之疏謬不待辨

諡法無正字

唐書攷異謂諡法無正字宋時避仁宗嫌名改貞爲正
唐會要所載諡正者皆貞也 國朝諡法忠字第一正
字在四十一然以文正爲美諡自宋已然梁溪漫志云
諡之美者極於文正司馬温公嘗言之而身得之國朝
以來得此諡者惟公與王沂公范希文而已明代李西

涯得此諡當時尙有人改宋人譏京鏗詩以譏之者
國朝二百餘年亦祇睢州之湯諸城之劉大興之朱欽
縣之曹濱州之杜湘鄉之曾而已信乎此諡之難能而
可貴也

古稱字最重而自稱字亦可

隨園隨筆曰禮冠而有字以表德也春秋之義以稱賢
者然二百四十年中亦不過十二人而已子貢以字稱
師子思以字稱祖袁盎兄子種以字稱叔匡衡傳匡鼎
來張晏註是衡字而顏氏譏衡不宜自稱其字可知稱

新義錄

卷六九

姓名

十

字最尊年二十有爲人父之道同輩不呼其名故冠而
字之年至五十更尊故曰五十以伯仲猶今之稱某丈
也李翱答朱載書云師於門人則名之朋友則字之引
言游過矣子夏云何爲證毛詩稱尹吉甫仲山甫哀公
誅孔子稱尼父孝經子曾子而字仲尼禮運字仲尼而
名言偃西漢惟子房一人得稱字後世後學呼退之兒
童誦君實未有不以字爲貴者李肅之上疏直言歐公
以札賀之李喜曰歐公平日以尊兄見稱而札中忽呼
我字是愛我也然古亦有名士而自稱其字者王右軍

敬謝帖稱王逸少白廬山遠公集盧循與遠公書稱范陽盧子先叩頭柳公權與弟帖末云誠懸呈荔枝樓法帖有陳文惠與人書前云堯佐白而後云希元再拜

智囊非美稱

隨園隨筆曰戰國樛里子癭而多智杜預亦癭而多智稱囊者以其頸有癭故也今稱有謀者爲智囊似乎習而不察然司馬昭稱桓範智囊往矣尙在杜預之先

男人女名女人男名

陔餘叢考曰古有男人而女名者如帝有女媧氏魯隱

新義錄

卷六十九

姓名

十一

公名息姑春秋傳有石曼姑孟子所稱馮婦莊子所稱偃女高戰國策所稱女阿史記惡來之子名女防荆軻傳徐夫人匕首註徐姓夫人名男也漢書郊祀志有丁夫人虞初等以詛軍爲功韋昭亦曰丁姓夫人名男也漢武內傳及後漢書魯女生長樂人絕穀八十餘年仙去三國志陸抗傳有瞿豔晉書載記鳩摩羅什本名耆婆宋書魯爽小字女生梁書馬仙琕本名仙婢魏書後魏昭成帝有子曰閼婆永安中荊州被圍行臺宗靈恩遣使宗女等入城曉諭蠻首雷婆思後周書蔡佑傳有

夏州首望彌姐唐書李君羨小字五娘五代史後唐莊
宗有衛州刺史李存儒李姓楊名婆兒錢鏐小名曰婆
留宋太宗紀有西族首領名羅妹此皆男子也又癸辛
雜誌黃姑星卽牽牛星與織女相對則黃姑亦不可謂
之女星女人亦有男名者黃帝娶西陵之女曰嫫祖絳
侯爲河內守許負相之曰君後三歲而侯應邵註負河
內溫人老媪也故高祖封爲鳴雌亭侯漢書外戚傳薄
姬少時與管夫人趙子兒相愛子兒亦女也武帝皇后
有衛子夫子夫之姊長曰君孺次日少兒又霍光夫人
新義錄

卷六十九

姓名

三

囑女醫淳于衍毒許皇后謂曰少夫幸報我以事少夫
衍字也元后傳后名政君妹名君力君弟杜欽傳皇太
后女弟司馬君力西域傳岑陬尙江都公主生一女亦
名少夫又褚先生日者傳有婦人能相馬者曰陳君夫
後漢書鮑宣妻桓氏字少君吳孫權長女名魯班適全
琮少女名小虎適朱據南史宋武帝女會稽公主名興
弟豫康公主名次男山陰公主名榮男孝武帝母路太
后名惠男陳武帝章后名要兒北史列女傳有郟縣女
子孫男玉嘗殺人報夫讐金史蒲察阿虎迭尙鄧國長

公主崔哥又海陵有妃定哥石哥又南齊宮中有婦人
韓蘭英有文詞自宋孝武帝時入宮至齊武帝以爲博
士教六宮書學以其年老多識宮中呼爲韓公則又女
人而有男子之稱矣

姓名隱僻

神農名大魁舜字都君見說文舜又字仲華見真源賦
倉頡姓侯名剛見古篆文后稷字度辰見路史許由字
武仲見莊子釋文瞽瞍名機一作見稽古異名錄商均
名章鶴見金樓子又名義均繇一名白馬見山海經繇

新義錄

卷六九

姓名

七

字熙見帝王世紀虞書巧言令色孔壬孔壬乃共工名
也伊尹名摯見帝王世紀巫咸名昭見莊子天運彭祖
姓錢名鏗見論語疏又姓彭名剪見史記註紂字受德
見汲冢周書箕子名聿餘見莊子註比干名胥餘見尸
子微仲名泄字子思見家語仲雍字孰哉見司馬索隱
召公一名醜或曰奭乃其字老聃名元祿見路史又名
乾字元杲見前涼錄老聃之子名宗字尊祖爲衛將軍
封於段又封於干因以爲姓見姓源老聃師名元君見
殷基通語紂使囚文王於羑里者名屈商見代醉編免

文王於羨里者散宜生外有陰競漢賦又有吉良釋聖
於羨里之語徐偃王初名偃後名弓管仲晉語作敬仲
晏子春秋作文仲敬仲爲字文仲爲諡也易牙名亞孫
叔敖名饒見永叔跋碑介之推姓王名光祁奚字黃羊
見呂氏春秋去私註羊舌大夫姓李名果見閔二昭三
疏百里奚字井伯楚莊王燕羣臣燭滅牽美人衣而絕
纓者姓蔣名雄見羣談採餘申包胥一名芬冒勃蘇見
國策子產字子美見杜預左傳註文種字少禽見吳越
春秋孟懿子字子嗣林放字子企並見閔中金石記公

新義錄

卷六十九

姓名

十四

冶長名芝字子萇見范甯釋文漆雕開名憑字子修見
宋楊簡先聖大訓白水碑閔子二弟一名蒙一名革見
閔氏家譜曾子之子元申子張之子祥子游之子思俱
見檀弓王吉曰吾非曾參子非華元豈華卽申字乎抑
曾子有三子也且思爲祥之昆弟則子張與子游兒女
姻家矣莊周字子休又名艾字文獵見續博物志田文
號孟嘗君孟字嘗邑名見譙言陳仲子字子終見高士
傳隋侯入齊救蛇得珠者姓祝名元暢見孟子疏墨子
姓翟名烏其兄名緩見莊子楊子之弟名布見列子荀

卿名况見劉向荀子序扁鵲名少齊見周禮疾醫釋文
宋玉字子淵號鹿溪子見宋氏家牒翁仲姓阮始皇時
交趾人見近峰聞略又謝承後漢書云銅人翁仲其名
也李斯字通古嫪毐姓劉名伯莊見楮室記呂后之父
呂公名文字叔平亭長卒名弩父見皇甫謐世紀項伯
名纏見漢書註魯兩生乃田橫客名壺關三老姓令狐
名茂見荀悅漢紀失馬塞翁姓李見高允詩序叔孫通
名何見楚漢春秋外黃小兒說項羽者姓仇名叔外黃
令仇明之子見太平清話文翁姓文一云複姓名黨字仲翁

新義錄

卷六十九

姓名

五

見歷代小史漢光武小字呼范丹初名冉見本傳曹操
小字吉利見魏志裴註華佗一名粦見方術傳又字元
化見搜神記杜康字仲甯陶侃小字溪狗范蔚宗小名
磚頭武陵漁者姓黃名道真見仙傳拾遺迎佛骨之僧
名大達說本七脩類稿顏師古名籀見西溪叢語崔顥
小字桃安祿山本名軋犖山見楊妃外傳張巡之子名
亞夫拜金吾將軍見西湖游覽志陶穀小字鐵牛王安
石小名糴郎東坡遊赤壁有吹洞簫者爲道士楊世昌
見緯略又坡詩云楊生自言識音律洞簫入手清且哀

王註楊生名世昌綿竹道士字子京佛印禪師姓賈實
進士見羣談採餘一云姓謝名端卿宋孝宗小名羊文
天祥小名雲孫小字從龍顏魯公僕名銀鹿蕭穎士奴
名杜亮秦檜小奴名研童婢曰興兒史記註曹參字敬伯博物志字子敬
婦人姓名隱僻

帝王世紀載伏羲母曰華胥炎帝母曰任姒有嬌氏女

登為少典妃春秋元命苞炎帝母安登黃帝母曰附寶拾遺記黃帝母曰吳姬

元妃西陵氏女曰嫫祖生昌意次妃方雷氏女曰文節

生青陽拾遺記少昊母曰皇娥次妃彤魚氏女生夷鼓一名蒼林

新義錄 卷之九 姓名 夫

次妃嫫母班在三人之下史記五帝紀昌意娶蜀山氏

女曰昌僕生高陽山海經以為昌意生韓流韓流取章子曰阿女生顓頊宋符瑞志謂文姬

顓頊女曰魚婦生窮蟬帝嚳娶陳鋒氏女為慶都生放

勳娶嫫訾氏女世紀以為常宜生摯世紀又云堯娶散宜氏之

女曰女皇生丹朱舜母名握登程伯專雞澤勝錄引其師汪南士說云舜後母

東澤氏壬女而禹母名脩己世本以為女志世本云禹娶塗山

氏女名女媧生啟禮樂緯云禹治水旱天錫神文聖姑

此又一妃也水經註會稽山禹廟有聖姑像夏啟之姨曰滕姑見唐楊

炯少姨廟碑羿妻名純狐見路史桀有蛟妾見述異記

伊尹母有仇氏女見呂氏春秋太公夫人馬氏見瓊邪
代醉編老聃母洪氏見酉陽雜俎

按張天師孫女名周玉蘭見傳仙錄

昭王二妃一名延媚一名延娛與王同淪於漢水江漢
人祀之見拾遺記人知秦穆公女名弄玉而不知又有
文名簡璧見左傳僖公十五年以簞食與伍胥而自沈
江之女子姓史溧水人見江甯府志燕昭王二妃一名
旋媚一名提嫫見拾遺記呂后名雉字娥姁見漢書呂
后紀註呂后姊字長姁見史記集解妹名類封臨光侯
樊噲妻見史記呂后本紀戚夫人侍兒賈佩蘭見西京

新義錄

卷六十九

姓名

七

雜記司馬遷妾隨清娛見奇女子傳東海孝婦姓周名
青見搜神記晉愍太子遼惠帝長子聘王衍小女字惠
風元帝母小字銅環並見小名錄曹子建女曰金瓠潘
安仁女曰金鹿並見小知錄石崇妾綠珠姓梁氏人皆
知之石崇妻蘇氏爲吳王師蘇紹之女見三國志裴註
而人不知宋山陰公主名楚玉齊潘貴妃名玉兒並見
南史杜甫生母名海棠故在蜀不詠海棠見王禹偁詩
話顏真卿小鬟名剪綵見孔元舒在窮記王維女名月
上見白樂天詩月上新歸侍乃翁自註白樂天女曰金

鑿婢曰春草見書史會要薛濤字度宏見研北雜志韓退之二侍姬一名絳桃一名柳枝見唐語林寇萊公有妾曰菑桃見翰府名談東坡妾曰榴花見小知錄秦檜妻王氏三旨宰相王珪之孫女自號沖正先生見槎菴小乘元余忠宣公女名安安隨母死於井見元史沈七襄宣城人脩撰懋學女嫁屠隆子見明詩綜明思陵田貴妃名秀英其妹名淑英見人海記長公主名徽妮見春明夢餘錄又李白女字平陽見寄東魯二稚子詩李云嬌女字平陽折花倚桃邊又云小兒名伯禽與姐亦齊肩校魏顥李集序白初娶許生子日明月奴又合於

新義錄

卷六九

姓名

六

魯一婦人生子曰玻璃伯禽爲弟當是玻璃白孫女二人一爲陳雲之室一爲劉勸之妻皆編戶毗也惜二女之名不傳

張王李趙皆黃帝所賜姓 以下補

林鑑塘曰路史國名紀云張王李趙易類是謀謂皆黃帝所賜姓姓書則謂王出靈王李因老子張趙始周之中世而不知商有李徵夏有趙隱而王倪在唐堯之代張若爲黃帝之臣又軒轅子揮亦封於張西廣洞酋迄今惟此四姓爲雄易傳之言未爲無本而姓書之不足證類蓋若斯矣

朱張顧陸所稱郡望多誤

養新錄曰朱張顧陸號吳中四姓朱有沛國義陽吳郡河南四望而今人但稱沛國沛之顯者在漢爲朱浮今朱氏不皆祖浮也余謂三吳之朱當稱吳郡若徽文公之後則依文公自稱新安可也張有清河南陽吳郡安定燉煌武威范陽犍爲沛國梁國中山汲郡河內高平十四望而今人但稱清河余謂張之顯者多矣當視其所祖何人如季鷹之裔當云吳郡茂先之裔當云范陽平子之裔當云南陽不應概稱清河也廣韻顧姓出吳郡不聞他望今顧氏所祖不曰雍曰滎則曰野王曰況皆吳人也改稱武陵謬矣陸有吳郡河南二望河南之陸出自鮮卑本步陸孤氏魏孝文時改爲陸氏今陸氏皆宗績績遜抗則爲吳郡之陸矣而轉有取於代北之陸何哉閒有不稱河南稱平原者未審其故若以士衡爲平原內史而稱之則吾未聞以所歷之官爲郡望者也

新安汪氏郡望不當稱平陽

養新錄曰廣韻汪姓汪芒氏之裔姓苑云新安人今汪氏皆祖越國公華華籍新安乃不稱新安而平陽非也

新義錄

卷六十九

姓名

五

東漢無二字名

王氏學林曰後漢書人名惟一字無以二字爲名者按前漢匈奴傳王莽奏令中國不得有二名因使使者以諷單于宜上書慕化爲一名漢必加厚賞單于從之故名囊知牙斯上書更名曰知王莽傳所載亦同由此觀之則是平帝時莽奏中國不得有二名故後漢人皆以一字爲名莽雖篡敗光武中興而漢制則不改故終後漢之世人惟一字名

野客叢書載後漢蘇不韋王延壽謝夷吾郭延平費長房皆二字名

諡法貴一字二字之說不一

新義錄

卷六十九

姓名

三

居易錄曰諡法貴一字二字其說不一如歐陽永叔初欲諡文以配韓退之而常秩增一字爲文忠議者以爲必留此以待王安石已而果然朱元晦太常初擬諡文正上諡也考功劉彌正謂先生當繼唐韓文公宜特諡曰文詔從之自後周程張呂諸儒遂皆用一字此諡貴一字也京鏗諡文穆其子沆請避家諱改文忠言者以爲楊億鉅儒既諡曰文議者欲加一忠字竟不之與加一字猶不可况二字極美乎此諡貴二字也二說不知何者爲是

新義錄卷六十九終

